

आकाशवाणी

खबरां

1. सरकार नै लोकसभा च इक राश्ट्र इक चुनां सरबन्धी दऊं विधेयक पेश कीते।
2. राज्यसभा च भारत दे संविधान दी 75 बरें दी गौरवशाली जात्तरा पर विशेष चर्चा अगो शुरू होई। केंद्री मंत्री जे.पी नड्डा होरें आखेआ-सरकार वैधानिक मुल्लें दी राखी हिफाजत लेई बचनें बढी दी ऐ।
3. प्रधानमंत्री नरेंद्र मोदी होरें जयपुर च 46 ज्हार करोड़ रुपें शा मती दिएं 24एं परियोजनाएं गी लोकें दे नमित्त लाया ते शिलान्यास कीता।
4. उत्तर पच्छिम भारत च सीत लैहर होर तेज होई गई ऐ। केइएं थाहरें घट्टोघट्ट तापमान 5 डिग्री झिगड़ा गेआ। दिल्ली च हवाऊ दे प्रदूषण दा स्तर गंभीर श्रेणी च पुज्जा।
5. क्रिकेट च बॉर्डर गावस्कर ट्रॉफी च भारत नै आस्ट्रेलिया खिलाफ वापसी करदे होई फॉलोटान दा खतरा टालेआ।

<><><><><><>

LS-ONOE

इक राश्ट्र इक चुनांऽ सरबन्धित द'ऊं बिल अज्ज लोकसभा च पेश कीते गे। कनून मंत्री अर्जुन राम मेघवाल होरें जियां गै 129मां संविधान संशोधन बिल 2024 ते केंद्र शासित प्रदेश विधि संशोधन बिल 2024 सदन च रक्खे। एहदे पर विरोधी धड़ें मत विभाजन दी मंग कीती। 269 मिम्बरें च बिल पेश कीते जाने दे हक्के च ते 198 मिम्बरें एहदे खलाफ वोट कीता। कांग्रेस, तृणमूल कांग्रेस, डीएमके, शिवसेना, मार्क्सवादी कम्युनिस्ट पार्टी सने होरनें विरोधी धड़ें बिल पेश कीते जाने दा विरोध जताया ते इसी संविधान दे बुनियादी ढांचे पर हमले दी कोश्ट करार दित्ता। उनें मंग कीती जे बिल गी जांच लेई संयुक्त संसदी कमेटी कश भेजेआ जा। कनून मंत्री मेघवाल होरें विरोधी धड़ें दे आरोपें गी खारज करदे होई आखेआ जे एह बिल संविधान दी मूल ढांचे दे खलाफ नेई न ते मुल्ले दे पैहले कनून मंत्री डॉ. भीमराव अम्बेडकर हुंदे आसेआ दित्ते गेदे बयान गी दोहरांदे होई आखेआ जे संविधान दे मूल ढांचे च कदें बी कोई बी ताकत बदलाव नेई करी सकदी। लोकसभा दी कार्रवाई इसै बैहसबाजी दे चलदे कन्नै तोड़ी स्थगित करी दित्ती गई। कांग्रेस पार्टी दे मनीष तिवारी होरें आखेआ जे एह विधेयक संविधान दी मूल संरचना दा उल्लंघन करदे न। उनें आखेआ जे भारत राज्यें दा परिसंघ ऐ ते इनें विधेयकें गी वापस लैत्ता जाना चाहिदा। इसै चाल्ली दी बिबचार प्रगट करदे होई टीएमसी दे नेता कल्याण बेनर्जी होरें आखेआ जे इनें विधेयकें कन्नै राज्य विधानसभाएं दी खुदमुख्तयारी गी जोफ पुज्जोग। डीएमके नेता टी.आर बालू होरें विधेयकें गी संघवाद दे खिलाफ दस्सेआ ते उनें संयुक्त संसदीय समिति गी सौंपने दी मंग कीती।

संसदीय कार्यमंत्री किरन रिजिजू होरें इक राश्ट्र इक चुनां गी देसै लेई इक महत्वै आहला मुद्दा दस्सेआ। उनें आखेआ जे एह मुद्दा कुसै पार्टी जां शख्स लेई नेई पूरे देसै लेई फायदा पजाने आहला ऐ। तोआई कांग्रेस महासचिव जयराम रमेश होरें आखेआ जे उंदी पार्टी इक राश्ट्र इक चुनां विधेयक दे पक्खै च नेई ऐ। उनें इब्बी आखेआ जे विधेयक संयुक्त संसदीय समिति गी भेजे जाने चाहिदे।

<><><><><><>

RS Nadda

राज्यसभा नै अज्ज भारतीय संविधान दी 75 बरें दी शानदार जात्तरा पर अपनी विशेष चर्चा अग्रे शुरू कीती। सदन दे नेता ते केंद्री मंत्री जगत प्रकाश नड्डा होरें चर्चा च हिस्सा लैंदे होई आखेआ जे भारत ना शड़ा इक बड्डा लोकतांत्रिक मुल्ख ऐ, सगुआं एहू लोकतंत्र दी जननी बी ऐ। उनें दफा 370 ते 35-ए दे जम्मू-कश्मीर पर माड़े असर गी उजागर करदे होई आखेआ जे इंदे चलदे जम्मू-कश्मीर च केंद्र दे कनूनें ते स्कीमें दा फैयदा नेई पुज्जी सका'रदा हा। उनें आखेआ जे 370 दी वजह कन्नै जम्मू-कश्मीर च लोकतंत्रद गी सेही मायने च जमीनी सतह तगर पुजाने च केई रूकावटां आवा करदियां हियां। उनें आखेआ ज इनें धाराएं दे हटने कन्नै गुज्जरे-बकरवाले ते होरनें समुदायें गी बी उंदे लेई बनाई गेदिएं स्कीमें दा लाहू पुज्जना यकीनी बनी सकेया ऐ। उनें दफा 370 हटाने च प्रधानमंत्री नरेंद्र मोदी हुंदी कोश्टें दी सराहना कीती। केंद्री मंत्री अमित शाह होरें आखेआ जे स्थाड़े लोकवाद दियां जड़ां बड़ियां डूंगियां न ते एहू चर्चा लोके गी लोकवाद दी महत्ता बारै शिक्षित करोग।

<><><><><><>

Lok Sabha Grants

लोकसभा नै 2024-25 बरे लेई अनुदान मंगें दे पैहले बैच गितै पूरक मंगें गी मंजूरी देई दिती ऐ। सरकारै 87 ज्हार 762 करोड़ रपे कोला मते दे कुल बादू खर्चे दे इख्तयार लेई संसद दी मंजूरी दी मंग कीती ही। एहदे च दोआर कर्जे, देनदारिएं ते सूद दरें दी अदायगी लेई 44 ज्हार 142 करोड़ रपे दा कुल खालस खर्चा शामिल ऐ। सदन नै 2024725 आहले माली बरे दिएं सेवाएं लेई भारतीय कन्सालीडेटिड फंड चा किश होर रकमें दे भुगतान ते भुगतान दा इख्तयार देने आले बिल गी बी मंजूरी देई दिती ऐ। इस बारै होई दी चर्चा दा परता दिंदे होई केंद्री खजाना मंत्री निर्मला सीतारमण होरें आखेआ जे भारत दुनिया दी सब्बनें शा तेज रफ्तार कन्नै बरोस करने आहली अर्थ बवस्था ऐ ते मेद प्रगट कीती जे भविक्ख च एहदा प्रदर्शन होर बी मता बेहतर होग।

<><><><><><>

Lok Sabha

देसै च नशीली दोआइयें दी खपत घट्ट करने ते नशे दी लत काबू च करने लेई नशीली दोआइएं दी मंग च कमी लेई राष्ट्रीय कार्य योजना लागू कीती जा'रदी ऐ। लोकसभा च इक सोआलै दे लिखित परते च समाजी न्याय ते अधिकारिता राज्य मंत्री बी.एल वर्मा होरें दस्सेआ जे केंद्र सरकार दे इक कार्यक्रम तैहत इसलै 347 एकीकृत नशा पुर्नवास केंद्र ते 46 समुदायिक पुनर्वास केंद्र कम्म करा रदे ना। श्री वर्मा होरें आखेआ जे 71 जिला नशा पुनर्वास केंद्र ते 74 आउटरीच ड्रॉप इन केंद्र संचालित कीते जा'रदे न ते समाजी न्या ते अधिकारिता विभाग एक टोल फ्री हेल्पलाइन नंबर 14446 बी चला'रदी ऐ। उनें आखेआ जे मंत्रालय नै नशामुक्त भारत अभियान तैळत 272 संवेदनशील जिलें दी पंछान कीती ऐ। श्री वर्मा होरें दस्सेआ जे इस अभियान तैहत लोके उच्च शिक्षण संस्थानें, विश्वविद्यालयें ते स्कूलें च जागरूकता फैलाने लेई बक्ख-बक्ख अभियान चलाए जा रदे ना।

<><><><><><>

PM-Inaguration

प्रधानमंत्री नरेंद्र मोदी होरें अज्ज जयपुर च 46 ज्हार 300 करोड़ रपे कोला मती लागत आहिलयें 24 परियोजनाएं दा किश दा उद्घाटन ते किश दा नीहू पत्थर रक्खेआ जिंदे च उर्जा, सड़क, रेलवे ते पानियै सबरंधी परियोजनां शामिल ना। मोदी होर राजस्थान च राज्य सरकार दे

< > < > < > < > < > < >

<><><><><><>

<><><><><><>

<><><><><><>

भारती मौसम विभाग दी सूचना मूजब पच्छमी हिमालयाई प्रांत राजस्थान, पंजाब ते हरियाणा च सख्त सीत लैहर दी संभावना ऐ। आकाशवाणी खबरें कन्नै गल्ल करदे होई भारती मौसम

विभाग दे सीनियर वैज्ञानिक, सोमा सेन राय होरें दस्सेआ जे अगले 6एं-7एं दिनें तोड़ी सीतै दा प्रकोप जारी रौग। राजधानी दिल्ली च ब्हाऊ दी गुणवत्ता गंभीर श्रेणी च दर्ज कीती गई। अज्ज दपैहरी मगरा 1 बजे ब्हाऊ दी गुणवत्ता सूचकांक 423 दर्ज कीता गेआ। हिमाचल प्रदेश च इनें दिनें खुश्क मौसम दे बावजूद सीत लैहर जारी ऐ। बरखा नेई होने करी कनकू दी रड़ पर माड़ा असर पेआ ऐ।

<><><><><><>

Cricket

भारत ते आस्ट्रेलिया बश्कार बॉर्डर गवास्कर ट्रॉफी दा त्रीया क्रिकेट टैस्ट मैच जेड़ा ब्रिबेन च खेड्डेआ जा'रदा ऐ, दे अज्ज चौथे ध्याड़े दी खेड्ड मुक्कने तगर भारत नै पैहली पारी च 9 विकेटें दे नुकसान पर 252 रन्ज बनाई लैते दे हे ते ओहू मसां फॉलोऑन कोला बचेआ ऐ। मेजबान टीम कोला भारत अजे बी 193 रन्ज पिच्छे ऐ। एहदे शा पैहले भारत नै अज्ज बडुलै अपनी पैहली पारी च 4 विकेटें दे नुकसान पर 51 रन्ज कोला अगगे खेडना शुरू कीता हा। भारत दी तरफा के.एल राहुल नै सब्भनें शा मते 84 ते रविंद्र जडेजा नै 77 रन्ज बनाए। पैट कमिन्स नै भारत दे 4 ते मिच्चेल स्टार्क नै 3 खडारी आउट कीते। एहदे शा पैहले आस्ट्रेलिया नै अपनी पैहली पारी च 445 रन्ज बनाए हे।

<><><><><><>

Sports-Mr

केंद्री युवा कार्यक्रम ते खेड्ड मंत्री मनसुख मांडविया होरें अज्ज नमीं दिल्ली च फिर इंडिया साईकलिंग पैहल गी हरी झंडी दस्सी। उनें इस दौरान खरी सेहतू दे महत्वै पर इक सेहतमंद समाज गै इक समृद्ध ते खुशहाल देसै दा विकास करी सकदा ऐ। Fit India Cycling Tuesdays-Fit India आंदोलन तैहत इक महत्वै आहली पैहल ऐ जिसी 2019 च प्रधानमंत्री नरेंद्र मोदी होरें शुरू कीता हा। इस कार्यक्रम दा आयोजन मुख्य भरै च तकरीबन 1 ज्हार थाहरें पर कीता गेआ।

<><><><><><>

PM-France Tragedy

प्रधानमंत्री नरेंद्र मोदी होरें फ्रांस दे मयोटो च चक्रवाती तूफान चिडो कन्नै होई दी तबाही पर अफसोस जाहिर कीता ऐ। इक्क सोशल मीडिया पोस्ट च नरेंद्र मोदी होरें इस त्रासदी दे पीड़ितें ते उंदे परिवारें आस्तै संवेदना व्यक्त कीती। प्रधानमंत्री होरें विश्वास जाहर करदे होई आखेआ जे फ्रांस दे राष्ट्रपति इमैनुएल मैक्रों दे नेतृत्व च फ्रांस इस त्रासदी कोला मजबूती कन्नै उभरी जाग। नरेंद्र मोदी होरें आखेआ जे भारत इस त्रासदी दी घड़ी च फ्रांस दे कन्नै खडोते दा ऐ ते ओह्दी हर तरह दी मदद आसतै तैयार ऐ।

<><><><><><>

Sri Lanka President

श्रीलंका दे राष्ट्रपति अनुरा कुमार दिसानायक होरें अज्ज बिहार दे बोधगया च विश्व विरासत महाबोधि मंदरै दे दर्शन कीते। इस मौके पर उनें मंदरें दे गर्भ गृह च मत्था टेकेआ। उंदे कन्नै 14एं सदस्यें आहला प्रतिनिधिमंडल बी आए दा ऐ। बोधगया मंदर प्रबंधन समिति दिएं सचिव डॉक्टर महारवेता महारथी होरें आखेआ जे श्रीलंका दे राष्ट्रपति होरें भगवान बुद्ध कन्नै सरबंधत 7एं थाहरें दा बी दौरा कीता। बोधगया च द'ऊं घैंटे रूकने दौरान श्री दिसानायक स्थानीय श्रीलंकाई मंदरै च बी गे।

<><><><><><>